



# Determinaziuns executivas tier reglament da traffic

## **C u n t e g n**

---

Art. 1	Prezisiuns tier il dretg da carrar senza ina carta da legitimaziun	3
Art. 2	Consegna da cartas annualas da carrar pil diever agricol	3
Art. 3	Consegna da cartas annualas da carrar pigl ulteriur diever	3
Art. 4	Prezisiuns	3
Art. 5	Consegna da cartas dil di da carrar pigl ulteriur diever	4
Art. 6	Post da vendita dallas cartas dil di	4
Art. 7	Vigur	4

Sin fundament d'art. 9 dil reglament da traffic relai la suprastanza communal las suandontas determinaziuns executivas:

### **Art. 1 Prezisiuns tier il dretg da carrar senza ina carta da legitimaziun**

<sup>1</sup> Tenor art. 2 lit. a) dil reglament da traffic basegna denter auter il survetsch forestal p.v.d. uffecis forestals sco era interpresas forestalas incumbensadas dalla vischnaunca ni d'in official communal negina carta da legitimaziun. Medemamein basegnan ils viadis per lavurs vid sanaziuns e construcziuns da vias communalas ch'ein ordinais dalla vischnaunca ni d'in official communal negina carta da legitimaziun.

<sup>2</sup> Tenor art. 2 lit. b) dil reglament da traffic basegnan viadis da miedis e veterinaris en activitad professiunala sco era per viadis da fructificaziun artificiala per biestga negina carta da legitimaziun. Sut quei pretext s'auda medemamein ils viadis dil transport da cadavers.

### **Art. 2 Consegna da cartas annualas da carrar pil diever agricol**

<sup>1</sup> Tenor art. 3 lit. a) dil reglament da traffic conceda la suprastanza communal lubientschas da carrar pil diever agricol. En spezial settracta ei da purs, fumeglia d'alp e lur gidonters, pasader da latg ed apiculturs.

<sup>2</sup> Gidonters da purs per gidar a far fein sco era persunas per viadis per far visetas a pasturs han negin dretg da retrer la carta annuala pil diever agricol.

### **Art. 3 Consegna da cartas annualas da carrar pigl ulteriur diever**

<sup>1</sup> Tenor art. 3 lit. b) dil reglament da traffic conceda la suprastanza communal lubientschas da carrar.

<sup>2</sup> Las lubientschas da carrar per vehichels vegnan tschentadas ora en fuorma da cartas digl onn sch'il basegns ei documentaus el senn dall'activitad per:

- a) vehichels da proprietaris da beins immobiliars e d'affittaders per igl access a lur schischom,
- b) per vehichels da furniturs, da glied da professiun, da guardiacamonas, da concessiunaris per practicar lur activitad.

### **Art. 4 Prezisiuns**

<sup>1</sup> Sco purtaders d'ina carta da carrar annuala tenor art. 2 e 3 da questas determinaziuns valan en spezial era:

- Ils parents dil proprietari dil bein immobiliar en lingia directa entochen tier il grad da bab/mumma ni fegl/feglia incl. ils conjugals. Il medem status gauda era il favorisau da dretgs da gudida impurtai sco servitut el register funsil.
- Concessiunaris el senn d'art. 3 lit. b) ein en spezial purtaders d'ina patenta da vischnaunca annuala conform al reglament davart cavar cristallas e lavar aur per practicar sia activitad.

- Glied da professiun che persequiteschan in gudogn accessoric (sco p.ex. rimnar jarvas per intents commercials) ston mintg'onn tschentar alla suprastonza communal la damonda per concessiun d'ina lubientscha annuala.

<sup>2</sup> Tier fittaders da beins immobiliars vala negina successiun da parentella. La carta annuala vegn concedida sulettamein per siu vehichel. El sto documentar siu stan legal cul contract d'affittaziun ni cun in contract da semeglient gener.

<sup>3</sup> Las determinaziuns fixadas per las cartas annualas ein era d'applicar per las cartas meinsilas.

## **Art. 5 Consegna da cartas dil di da carrar pigl ulteriur diever**

Scadina persuna interessada ha il dretg da retrer ina carta dil di.

## **Art. 6 Post da vendita dallas cartas dil di**

<sup>1</sup> La carta dil di sa vegnir retratga dall'administraziun communal duront il temps da spurtegl, en las ustrias en vischnaunca ni parzialmein tier personas dessignadas dalla suprastonza communal nua ch'ei sa buca vegnir retratg ulteriuramein cartas. Ei exista negin sforz enviars las ustrias da vender las cartas dil di.

<sup>2</sup> La vendita dalla carta sto vegnir registrada e documentada en ina gliesta dada giu dall'administraziun communal. Quella cuntegn la nr. dalla carta, il datum dalla vendita ed il datum dil diever, il num e prenum dil retschevider, la nr. dil vehichel, il num dalla via giavischada ed igl import incassau.

<sup>3</sup> Per mintga carta vendida survegn il post da vendita ina provisiun dad 1 frs. per carta vendida. Il rendaquen succeda entras l'administraziun communal dil mument che las cartas restontas vegnan returnadas ensemen cun la gliesta tenor al. 2 da quest art..

## **Art. 7 Vigur**

Questas determinaziuns executivas tier il reglament da traffic ein vegnidas relaschadas dalla suprastonza communal en sia seduta dils 25-03-2013 (protocol nr. 06-2013) e passan immeditamein en vigur.

**Il president communal**

*sig. Walter Deplazes*

**Il canzlist communal**

*sig. Patrick Schaniel*